

JAKOBONÊ papia

Jakobonê papia nec ñac tau gêjac lau buña nêñ kôm to nêñ lêñ ñagôlin gwalêkin sa. En keto bin tau gêjac gôlôac tapaôngeñ ñawae kêtôm en awa gêjac Anôtônê lau, tan sêñg ñ kêsi-k sigen anga nom ñagamên samob nan. Ñac-ketowaga gebe epen lau buña nêñ kauc lasê êpi nêñ ñalêlôm to nêñ lêñ, tan gêjac êsêac ñawae nan, tec kêwaka nê ñagôlin sa keto ñalô totau-totau gêjam dani ma keto bingôlin to ñadônđôn gêwin-gêwin e ñam gêc awê ñajam. Lau buña nêñ ñagôlin tonan kêkwa bin tonec ñai gebe lau tolêlôm to lau ñalêlôm sawa ma lêtôm to lêñ mansan ma tatu kasec to takên êwin ma dangôm ñanô êsanja to tajop imbelen ma mêtê tokauc to binjalom ma tenbelen aêgen to dambu taunja ma tatoc taun sa to daê bin tôn ma tapuc taun tônja to taten mec.

Jakobo keto papia tonec kêkac lau buña ñajanagen gebe dangôm Mêtê ñanô êsa, ec dawa nêñ takên gêwin sa ña nêñ lêñ to nêñ kolen ênêc awê êndên lau sêlic êpi matenânô.

Nadênan

1. Gêjac m nê papia 1:1
2. Takên gêwin to tajala binja 1:2-8
3. Lau ñalêlôm sawa to lau tolêlôm 1:9-11
4. Saê to lêtôm 1:12-18
5. Tanô mêtê ma gacgen dangôm ñanô êsa 1:19-27
6. Tapuc lau ñam atom 2:1-13
7. Takên gêwin gêjac ñakolen ñawae 2:14-26
8. Tajop imbelen ñapepja 3:1-18

9. Tajop taun êndên maten katu gên nomnja
4:1-5:6

10. Nâgôlin toê-toê nâgêdô 5:7-20

Jakobo awa gêjac lau

¹ Anôtô agêc Apômtau Jesu Kilisi nêñ sakinwaga aê, Jakobo, aoc gêjac gôlôac 12, tañ sênghôn kêsikêsigen anga nom nâgamên samob nan.

Bin kêpi takên gêwiñ to tajala binja

² O ñoc lasitêwaac, Iêtôm tokain tokain embe êtap amac sa, go alic amboac gên têtac najam ña ten.

³ Amac ajalagac gebe gên, tañ kêsaê amacnêm akên gêwiñ nan, gêgôm amac aoc gêñwapac totêmtac kêpa sugen.

⁴ Aoc gêñwapac totêmtac kêpa sugen tau ênam ñanô amboac tonec gebe ênac dabin amac e atu kwalam langwa ma apô lêna gên ten atom,

⁵ mago amacnêm ten embe êpô lêna kauc mêtêña, nan eten êndên Anôtô ma êkên êndên en, gebe Anôtô kêkên gên gêdên lau samob totêmtac wapômgen ma kêgamin ten atom.

⁶ Mago ñac tau eten toêkên êwiñgen, eten totêmtac lulu atom, gebe ñac-têtac-luluwaga kêtôm gwêc ñadembom, tañ mu gêli sa e ñakoton-koton kêsa nan.

⁷ ñac amboac tonan taê êka gebe êkôc gên ten anga Apômtaunê atom.

⁸ En ñac ñalêlôm-gêja-luwaga ma kêsa nê lên samob lulusawa.

Lau ñalêlôm sawa to lau tolêlôm

⁹ Lasimi ñalêlôm sawa êlanem tau gebe Anôtô ketoc en sa.

¹⁰ Ma ñac tolêlôm êlanem tau êtu Anôtô kêkônin enña, gebe en oc ênaña êtôm gêgwan ñaola.

¹¹ Oc kêpi tonandanen ma kêsêgô gêgwan e ñaola kêsêlô ma talic ñakatu masi. Ñac tolêlôm amboac tonan. En ênaña anga nê kôm ñaluñen.

Saê to letôm

¹² Aê aoc êôc ñac, tan gêôc saê totêtac kêpa sugen. En êwaka tau sa su acgom, go êkôc êngôn mata jali ñasunsun, tan Anôtô gêjac mata gêdên lau-têntac-gêwin-enwaga nan.

¹³ Ñac ten embe lêtôm êtap en sa, nan êsôm gebe “Lêtôm tonec anga Anôtônê” nec atom. Sec kêtôm gebe êlêtôm Anôtô atom. Ma Anôtô tau kêlêtôm ñamalac ten atom.

¹⁴ Lêtôm ñam kêsêp ñamalac tau nê têtac kalac, tan kêkac to kêlêtôm en nan.

¹⁵ Têtac kalac embe taê, go êsu ñalatu sec. Sec tau embe ênac dabin tau su, go êsu ñalatu gêmacanô.

¹⁶ O ñoc lasitêwaace, êkêli taôm atom.

¹⁷ Gên ñajam samob, tan sêkên gêdên amac to gên ñanô samob, tan atap sa nan, gêmên anga lôlôc. Gên tau kêsêp gêmên anga ñawê ñataunê. En gêjam tau ôkwi atom ma en gêjam kanuc atom amboac tonan.

¹⁸ En taê gêjam kêtû tôn, tec kêkên nê binñanô kêka aêac lasê gebe tatu gên samob, tan en kêkên nan ñanmata.

Tanô mêtê to dangôm ñanô êsa

¹⁹ O ñoc lasitêwaace, taêm ênam bin tonec gebe ñamalac samob sênô bin ñagaôgen acgom, ma sêsôm bin malô-malôgen to têtac ñandan seben-seben atom amboac tonan,

²⁰ gebe ñamalacnêñ têntac ñandan gêjam Anôtônê biñgêdêñ sa atom.

²¹ Amboac tonan akac ñatêmui to sec totau-totau su ma akôc mêtê, tan Anôtô kêsê kêsêp amacnêñ ñalêlôm nan sa. Mêtê tonan kêtôm gebe ênam amac katôm kêsi, tec akôc sa tonêñ ñalêlôm malôgen.

²² Embe anô mêtê ñaômagen, oc ansau taôm, anjôm mêtê tau ñanô êsa acgom.

²³ Nac ten embe êñô mêtê ñaômagen ma êngôm ñanô êsa atom, nan êtôm ñac, tan kêsala lanjônô kêsêp tasalakatu nan.

²⁴ En kêsala tau su, go gec gêja ma kêlin lanjônô ñakatu sin seben.

²⁵ Mago ñac, tan êtuc kêniñ êsêp biñsu ñanô tau, tan kêgaboac aêac su nan, ma êsô ñalabu êmoa to êñô biñ e êlin sin êtiam atom, êngôm ñanô êsa nan, Anôtô oc ênam mec ênê kôm samob.

²⁶ Nac ten embe taê ênam gebe ênam sakin Anôtô, mago ênam gôlin imbêla atom, oc ênsau tau ma nê sakin Anôtôña êtu gêñ ñaôma.

²⁷ Sakin ñawa to mansan, tan Tamenji Anôtô gêlic gêjac mataanô ñajam nan tonec gebe tanac mosêbu to awêtuc, tan sêmoa jageo nan, kêsi to tanjamin taun êndên gen ñatêmui nomña.

2

Tapuc lau ñam atom

¹ O ñoc lasitêwaac, amac akên gêwiñ aêacnêñ ñawasi Natau Jesu Kilisi, tec apuc lau ñam atom, alic samob têtôm taunjen.

² Nac tenj togêlôn gold ma tonjakwê nawasi embe naêsô nêma akac sanja êna, ma nac nalêlôm sawa tenj tonjakwê kômna embe êsô êna amboac tonan,

³ ma amac matem êndin nac tonjakwê nawasi e asôm gebe Ôngôn lêpôn najam tonec,” ma asôm êndên nac nalêlôm sawa gebe “Naôkô ônê” me “mênôngôn masac êsi ockainja,”

⁴ embe angôm amboac tonan, oc awa lau êkôc atom me. Ma atu mêtôcwaga, tanj taênj gêjam binj keso nanj atom me.

⁵ O nac lasitêwaace, anô acgom. Anôtô kêjalinj êsêac, tanj lau nomna sêlic amboac lau nalêlôm sawa nanj sa, gebe têtû lau tolêlôm sêkênj gêwinja ma sêwê kainj gamênj, tanj enj gêjac mata gêdênj lautêntac-gêwinj-enjwaga nanj.

⁶ Ma amac abu nac nalêlôm sawa. Asa lau sêkôninj amac. Asa lau sê amac jaakô mêtôcwaga lanjônênja. Lau tolêlôm goc.

⁷ Lau tonan sêsôm binj alôb-alôb kêpi naê najam, tanj Anôtô kêkênj gêdênj amac nanj.

⁸ Amac embe angôm binjsu, tanj aêacnênj Kinj kêkênj gêdênj aêac kêtôm teto gêc nanj, nanô êsa, go najam. Binjsu tau tonec gebe “Têmtac êwinj lau wachanj aôm amboac têmtac gêwinj taôm.”

⁹ Mago amac embe apuc lau nam, go angôm sec ma binjsu êmêtôc amac amboac lau-sêgêli-binjsuwaga.

¹⁰ Nac tanj kêmasanj binjsu samob, mago kêgêli tagengenj nanj, kêtôm gêgôm samob popoc.

¹¹ Nac tanj kêsôm gebe “Ôngôm gênj mockainjo to mockainja atom” nanj, kêsôm tenj gêwinj gebe “Ônac namalac êndu atom.” Ma aôm embe ôngôm mockainj

atom, mago embe ônac ñamalac êndu, nanj kôgêli biñsugac.

¹² Amboac tonan asôm nêmbiñ to anjôm nêmbiñ atôm lau, tanj Anôtô oc êmêtôc êsêac êndanjuc biñsu, tanj kêgaboac êsêac su nanj.

¹³ Ma êndênj mêtôc tonan Anôtô taê walô êsêac, tanj taênj walô lau atom nanj atomanô. Mago ñac, tanj taê walô lau nanj, oc êtêc mêtôc tonan atom.

Takênj êwiñ to ñakolenj ñabinj

¹⁴ O ñoc lasitêwaac, ñac tenj embe ôsôm gebe “Aê kakênj gawinj,” mago enj ñac kolenj atom, oc ênam enj sa amboac ondod. Ênê kêkênj gêwiñ oc ênam enj kêsi me masi.

¹⁵ Embe lasimi me lasimio tenj nêñj ñakwê masi me sêpô lêna mo kêtôm bêcgenja

¹⁶ ma amacnêmbiñ tenj embe êsôm êndênj êsêac gebe “Ana tobiñmalôgenj, asô nêmbiñ ñakwê sa êjandanj amac to anij nêmbiñ gênj,” mago akênj gênj êôc êsêac ôlinj tôñja tenj êndênj êsêac atom, oc ênam êsêac sa amboac ondod.

¹⁷ Biñ takênj gêwiñja amboac tonan. Embe takênj êwiñ, mago tanam ñakolenj êwiñ atom, oc takênj gêwiñ tau êtu gênj mêtê ñaôma.

¹⁸ Ma ñac tenj embe êsôm gebe “Aôm kôkênj gêwiñ ma aê gajam kolenj,” go jasôm gebe “Ôtôc nêmbiñ kôkênj gêwiñ, tanj ñakolenj masi nanj, êndênj aê, go aê jatôc ñoc kolenj, tanj êwaka ñoc kakênj gêwiñ sa nanj, êndênj aôm.”

¹⁹ Aôm kôkênj gêwiñ gebe Anôtô tagenj tec gêmoea me. Ñajam. Mago ñalau sec sêkênj gêwiñ biñ tonan amboac tonanjenj ma têtêc tauñ ñanô.

²⁰ O melocma, aôm gobe takêñ gêwiñ, tañ ñakolen masi nañ, gêñ ñanômégoc. Aôm gobe aê jawa biñ tau ñam sa êndên aôm me.

²¹ Aêac abenji Abraham amboac ondoci. Gêdên tañ enj kêkên latu Isak kêtú da gêsac altar ñaô nañ, Anôtô gêlic enj ñac gêdên kêtú ênê kolen tonanña.

²² Kec, aôm gôlicgac gebe enj kêkên gêwiñ ma gêjam ñakolen ulu kêtômgenj, tec sêjam tauñ sa, tec nê kolen gêjac dabiñ nê kêkên gêwiñ su.

²³ Ma biñ, tañ teto gêc nañ, kêtú anô gebe “Abraham kêkên gêwiñ Anôtô, tec Anôtô gêlic enj ñac gêdên” ma sêsam enj gebe Anôtônê ñac.

²⁴ Kec, amac alicgac gebe ñamalac êtu ñac gêdên êtu nê kolenña, êtu enj kêkên gêwiñña tagenj nec atom.

²⁵ Mockainjo Rahab kêtôm tonan. Enj kêkôc kelenwaga sa ma kêkên êsêac sêsa intêna tenj sêja. Tec Anôtô gêlic enj awê gêdên kêtú ênê kolenña.

²⁶ Aêac ôlinj embe ñalau masi, oc êtu mêtê. Ma aêacnên takên gêwiñ embe ñakolen masi, oc êtu mêtê amboac tonanjenj.

3

Biñ kêpi imbelen

¹ O ñoc lasitêwaac, amacnêm taêsam têtú kêdônwaga atommanj. Alic acgom, aêac kêdônwaga oc atap mêtôc ñajanña sa êlêlêc lau ñagêdô nêñ mêtôc su.

² Aêac samob dagôm keso elêmê. Tenj embe êsôm biñ tenj eso atom, nañ enj ñac kwalam langwa tenjgoc ma êtôm gebe ênam gôlinj nê ôli samucgenj ñapep amboac tonan.

³ Aêac embe takêñ gôlinj êsêp hos awenjsunj gebe tanenj wamu aêac, go tanam gôlinj bôc tau ôlinj samucgenj êwiñ.

⁴ Alic wanj acgom. Gêñ tau kapôêñanô ma mutêna gêngônj lac njajaña sec, mago njagôlinj saunj ec tenj gêjam gôlinj wanj tau kêtôm njac gôlinjña taê gêjam.

⁵ Aêac imbelenj amboac tonanj. Ôlinj njagêñlêlôm saunj tenj, mago kêlanem tau gêñ kapôêñña.

Alic acgom, ja ñamôsi saunj tenj kêtôm gebe êkêñ ja êniñ oba kapôêñ tenj.

⁶ Imbelenj kêtôm ja amboac tonanj, genj geo gêjam imbelenj auc samucgenj. Imbelenj tau ôlinj njagêñielôm tenj, tanj gêgôm ôlinj samucgenj njatêmui kêsa nanj. Lamboam njakêlêndinj tau njaja kêpoa anja imbelenj, tec imbelenj njaja genj gêñ samob, tanj Anôtô kêkêñ nanj, ma gesenj njalêñ su gêwiñ.

⁷ Ñamalac têtôm gebe senjenj gêñ matenj jalinja tokainj-tokainj nanj sêgôm su. Bôc salenja to moc ma gêñ kêgalabnja to i têtû malô e têtû gêñ masinj.

⁸ Mago ñamalac tenj kêtôm gebe êngôm imbêla êtû gêñ masinj atomanô. Genj sec tau oleb-olebboa to ñamalic tamac êndunja gêjam auc.

⁹ Aêac talambinj Apômtau to Tamenj ña imbelenj ma tapuc boa ñamalac, tanj Anôtô kêkêñ kêtôm enj tau katu nanj, ña imbelenj tagenj tonanj amboac tonanjenj.

¹⁰ Binj lambinja to binj tapuc boanja kêsa awenjsunj tagenj. O lasitêwaac, binj amboac tonanj êsa atom-anô.

¹¹ Bu njaluc to ñamakic kêpulu kêpi bumata tagenj me.

12 O ɲoc lasitêwaac, jambô oc ênam aiɲ me, ma wain oc ênam jambô me. Ma gwêc oc ênam tau ôkwi êtu bu atom amboac tonaɲ.

Kauc undambêɲa

13 Asa ɲac tokauc ma ɲac mêtêɲa gêmoa gêwiɲ amac. Eɲ êwaka tau sa ɲa nê lêɲ ɲajam to nê kolenɲ, taɲ gêjam tokauc mêtêɲa ma tonê ɲalêlôm malôgenɲ.

14 Mago amac embe anam lêmuɲ lau ɲawaô to asac lau ênêc lêlômgenɲ, naɲ atoc taôm sa ma ansau biɲdansaɲ e anseɲ biɲɲanô tau su atom.

15 Kauc tonaɲ kêsêp aɲga undambê gêmêɲ atom, kêsâ aɲga nom to genɲ nomɲa ma ɲalau sec nêɲ.

16 Lau taɲ sêjam lêmuɲ taunɲ to sêsac taunɲ naɲ, oc semoa naeo ma sêɲgôm sec tokaiɲ-tokaiɲ.

17 Mago kauc mêtêɲa, taɲ lau sêkôc aɲga ôɲa naɲ, êɲgôm nêɲ ɲalêlôm ɲawa êsa êtu ɲamata. Go sê wama taunɲ ɲagaôgenɲ, têtû lau malô, taɲenɲ wamu, taêɲ walô lau ênam êsêac auc ma sênam ɲanô ɲajam. Êsêac têtac lulu atom ma sêka nêɲ biɲ auc atom.

18 ɲawê taɲ lau-sê-wamawaga sêsê tobiɲmalôgenɲ naɲ, ênam ɲanô biɲgedenɲ.

4

Tajop taunɲ êndêɲ lêɲ nomɲa

1 Amac akêɲ kisa gêdêɲ taôm to ajac taôm naɲ ɲam kêsêp asagenɲ. Kêsêp gêɲ têtac ɲakalacɲa, taɲ gêjac siɲ aɲga ôlim ɲagêɲlêlôm naɲgoc.

2 Amac matem katu gêɲ, mago atôm gebe atap sa atom, tec ajac ɲamalac êndu. Amac agôm mocsac gêɲ, mago atôm gebe atap sa atom, tec ajac taôm to

akêñ kisa gêdêñ taôm. Amac akôc gêñ atom, gebe atên mec atom.

³ Amac atên mec, mago akôc ñanô atom nec ñam kêsêp amac atên mec kesonja gebe atên gêñ, tañ abe êjain êpi gêñ têmtac ñakalacñagen.

⁴ Mockain ñatêna amac. Lau tañ sê sêlêb gêdêñ nom nañ, têtû Anôtônê ñacjo. Amac ajala biñ tonañ me masi. Ten embe é sêlêb êndên nom, oc êtu Anôtônê ñacjo.

⁵ Me biñ, tañ teto gêc gebe “Ñalau tañ gêngôn aêacnên ñalêlôm nañ, gêjam lêmun to gêgôm mocsac ñanô,” amac abe teto biñ tonañ ñaômagen me.

⁶ Ma moasin, tañ Anôtô kêkên nañ, kapôên kêlêlêc. Amboac tonañ tec teto gêc gebe “Anôtô kêkônin lau, tañ tetoc taun sa nañ, ma kêkên moasin gêdên lau, tañ sêbu taun nañ.”

⁷ Amboac tonañ asô Anôtô ñalabu. Apuc taôm tôñ êndên Sadan, go êwi amac sin ma êc su.

⁸ Atu gasuc Anôtô, go êtu gasuc amac. Amac lau sec, akwasin lememe êtu selec. Ma amac lau-têmtac-luluwaga, amansan nêñ ñalêlôm ñawa êsa.

⁹ A jala taôm gebe aňgôn jageo ma nêñ ñalêlôm ñawapac to atan. Amacnêñ ômac ênam tau ôkwi êtu tanjiboa ma têmtac ñajam êtu têmtac ñawapac.

¹⁰ Ambu taôm êndên Apômtau, go etoc amac sa.

Amêtôc nêñ lasitêwai atom

¹¹ O lasitêwaac, aňga biñ êpi taôm atom. Nac tañ ênga biñ êpi lasi me êmêtôc lasi nañ, êtôm gêga biñ kêpi biñsu to kêmêtôc biñsu. Aôm embe ômêtôc biñsu, go ôtu ñac-kêmasanbiñsuwaga atom, ôtu biñsu ñamêtôcwaga.

¹² Nac tagen kêtû ñac-kêkêñ-biñsuwaga to mêtôcwaga. En kêtôm gebe ênam kêsi me enser su. Mago aôm asa, tec kômêtôc ñac wacbañ aômña.

Atôc taôm sa atom

¹³ Ao, amac lau, tañ asôm gebe “Galoc me elen aêac oc tana malac tônê me ônê nadañgôn jala samuc teñ ma tatulu gêñ e ñamone êlêsuc aêacgeñ.”

¹⁴ Amac ajam kauc gêñ, tañ oc êñgôm amac êndên elen nañ. Amac oc amoa matem jali me masi. Amac atôm bu ñawajaô, tañ talic dambêgeñ ma gê su.

¹⁵ Asôm biñ amboac tonec êjô biñ tônê su gebe “Apômtau embe êlôc, go aêac tamoa mater jali ma tanam kôm tonec me tônê.”

¹⁶ Mago galoc alanem taôm to atoc taôm sa. Lanem tokaiñ-tokaiñ amboac tonañ samob sec.

¹⁷ Nac tañ kêjala êñgôm gêñ ñajamña, mago êñgôm atom, oc êñgôm sec.

5

Lau tolêlôm taên ênam tauñ

¹ Ajôc, amac lau tolêlôm, atañ to apuc tañiboa sa êtu gêñwapac, tañ wackêdabiñ amac nañña.

² Amacnêm awa kêtû manê to buleser gen nêm ñakwê e lasê-lasêgen.

³ Da gênôm amacnêm gold to silber. Ma ñada tau tonañ oc êkic amacnêm biñ e êniñ amac ôlim su êtôm ja gen gêñ. Amac ajac awa to awa sa gêdên bêc ñamuña tonec.

⁴ Alic acgom, amac agamiñ lau, tañ sêjam amacnêm kôm nañ, nêñ ñaôli, tec ñaôli tau gêmôêc

to lau-sejoŋ-kôm-ŋano-sawaga nêŋ taŋi jakêso
siŋwaga undambêŋa nêŋ Apômtau taŋasuŋ.

⁵ Amac amoasiŋ taôm toôlim kêpigen amoa nom.
Amac anŋen nêŋ ŋalêlôm e ŋadambê kêsa ma kêtôm
gebe sêŋguŋ amac êndêŋ ŋanoc.

⁶ Amac amêtôc ŋac gêdêŋ to ajac eŋ êndu ma eŋ
gêjam tau ŋagêjô gêdêŋ amac atom.

Tapuc tauŋ tôŋ to tateŋ mec

⁷ O lasitêwaac, amboac tonan apuc taôm tôŋman
ma êoŋ Apômtau e mênêô lasê. Alic kôm ŋatau
acgom, eŋ kêsaê gebe kôm ênam ŋanô ŋajam ma
kêpuc tau tôŋ to gêoŋ kom gebe ênac êndêŋ ŋanoc.

⁸ Amac apuc taôm tôŋ amboac tonanŋen ma aôŋ
anac seŋen nêŋ ŋalêlôm gebe noc Apômtau mênêô
lasêŋa kêdabiŋ.

⁹ O lasitêwaac, anac kapoac taôm e atap mêtôc
sa atom. Alicgac me, mêtôcwaga tec mênkêkô
katamdêmôê.

¹⁰ O lasitêwaac, aôc ŋandan to apuc taôm tôŋŋen
apuc propete, taŋ sêsôm biŋ sêjam Apômtau lanô
nan wanen.

¹¹ Alic acgom, aêac awen gêôc êsêac, nan sêôc
gêŋwapac totêntac kêpa sugen nan. Amac anô
Job gêôc ŋandan totêntac kêpa sugen ŋawae, ma
ajala Apômtau gêjac dabiŋ eŋ ŋalêŋgac. Biŋŋanô,
Apômtau eŋ taê walô to taê labu ŋatau.

¹² O lasitêwaac, biŋ tonec ajop êtu ŋamata gebe
atôc lememe atom. Atôc lememe êpi undambê to
nom me gêŋ ŋagêdô ten atomanô. Amac embe
asôm gebe “Aec,” nan aêc tonan kêtôm. Me embe
asôm gebe “Masi,” nan masi tonan kêtôm amboac

tonanġen. Angôġm amboac tonanġ, ec mêtoċ êtap amac sa atom.

¹³ Amacnêm ġac tenġ embe ġênwapac êtap enġ sa, nanġ etenġ mec. Ma tenġ embe têtac ġajam, nanġ ênam wê dêbuġ.

¹⁴ Amacnêm tenġ embe ġêmac êġgôm enġ, nanġ êkênġ binġ ġôlôac dabuġ nêġ laumata. Êsêac tetenġ mec êpi enġ to sênġ oso enġ ġa niptêkwi sênam Apômtau lanġo.

¹⁵ Mec tonanġ embe tetenġ tosêkênġ êwinġenġ, go ênam ġac ġêmac tau sa. Ma Apômtau oc êsuġ enġ sa êġgônġ êtiam, ma ġac tau nê sec embe ênêc, oc Apômtau êsuc sec tau ôkwi.

¹⁶ Amboac tonanġ aoc nêm sec lasê êndênġ taôm ma atenġ mec êjô tau êtu taômġa gebe ôlim ġajam êsa. Ĥac ġêdênġ nê mec ġêġam ġanô tonġaclai.

¹⁷ Elia enġ ġamalac kêtôm aêac. Enġ ketenġ mec gebe kom ênac atom, tec kom ġêġac atom kêtôm ġala têtêac ma ajônġ 6.

¹⁸ Go ketenġ mec kêtiam ma undambê kêkênġ kom e nom ġêġam ġanô ġajam.

¹⁹ O lasitêwaac, amacnêm tenġ embe eo anġa lênġ binġġanônġa ma tenġ embe ênam enġ ôkwi êmu êmênġ,

²⁰ go ajala gebe ġac, taġ ġêġam ġac sec ôkwi anġa ênê lênġ keso nanġ, oc ênam ênê katu kêsi anġa ġêmacanô tau ma êġġênduc sec taêsam auc.

BIBOLO DABUN
The Holy Bible in the Yabem language of Papua New
Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Mar 2025 from source files dated 31 Aug 2023

447e01c5-a375-5452-ae54-b3f890293eeb